

## شيخ المطر

### ( الفصل الأول ( الدور عليكي )

"أنا هجري ... أه المرة دي هجري من قبل ما يظهر ما أنا متأكدة إنها مش تهيوات أكيد مش تهيوات ... ملعون أبو الفقر اللي يخليني اتحوج للوظيفة دي , أهو بدأت ... بدأت الريح بدأت السفعة اوففففف ومسكت هديل في الباطو بتاعها أكثر وأكثر ووشها باين عليه الخوف والرعب وعيونها بتألفت حواليتها وتراقب الشارع الفاضي و إيديها حوالين نفسها لفاها و بتترعش وخطوات رجليها عاملين زي موسيقي أغنيه سريعة تك تك تك تك ورا بعضها كل اللي بتفكر فيه إنها توصل آخر الشارع عند العمارة اللي ساكنه فيها وتطلع السلالم وتوصل للدور التامن , اه محدش ليه بيسهر في البرد في الشارع بس , ده في الصيف لو راجعه حتي الفجر من الشغل بردوا بلاقي ناس وبشر كثير والساعة دلوقت مجاتش انتاشر و كل البيوت مقفله والشبابيك والبلاكونات, رفعت عنيتها بتبص على العمارات وفجأة ظهرت نفس صوت الخطوات اللي سمعتها إمبراح و هي راجعه من الشغل لكن حسيتها أقرب وبدأت تجري وهي مش حاسة برجليها بسرعة بسرعة والخطوات اللي وراها كمان صوتها أسرع ومش قادرة تبص وراها من الرعب , لو بصت هتشوف ايه , كل اللي بتفكر فيه انهم بس عمارتين وتوصل بس تعديهم وصوت بينايديا باسمها صوت مرعب هديييييل صوت مخيف خلي دموعها تنزل وتجري أسرع لحد ما وصلت للعمارة اللي

ساكنه فيها وطلعت تجري علي السلام وفي أول دور خببت  
ع الباب وفضلت تخبط وتخبط ساعدوني إحقوني لكن من  
غير فايده محدش فتحلها محدش حتى منور لمبة قدام الشقق  
عشان تشوف والضلمة حوالها , والصوت قرب هديبييل  
والسقع زادت وباب العمارة عمل صوت جامد طراخ خبطته  
الرياح وكأن واحد قوي خبط الباب في الحيطه بقوة , والسقعة  
زادت ووصلت هديل الدور الثاني وخبطت ثاني علي الباب  
وتنادي الحقوني بس صوتها من كتر الرعب اتحاش في  
حجرتها فمبقتش قادرة حتي تتكلم أو تنادي عم شاهين اللي  
ساكن في الدور ده ورجليها خلاص حاسة إنها مش شيلاها  
والصوت بيقترب أكثر حساه من الرعب أكنه ورا وذنها  
بالضبط , حاولت تجمع اللي باقي فيها من قوة و جرت أكثر  
ودموعها تنزل أكثر واتخبطت في سلام البيت القديم المتكسر  
بس مهتمتش لحد ما وصلت فوق في الدور التامن وبسرعه  
ولهفه طلعت المفاتيح ولكن الصوت قرب جدا المرة دي , ده  
وصل حاولت متبصش ناحية السلم أبدا عشان متشوفش ايه  
اللي بيجري وراها ويناديها لتاني ليله ده شكله ايه وقدرت  
تحط المفتاح في الباب عند آخر لحظه قبل ما يمسك دراعها  
دخلت وهببت الباب وقفلت الترياس والمفتاح وجريت علي  
أوضتها وازرمت فوق سريرها ورمت الشنطة وهي بتترعش  
كل حته فيها بتترعش وقعدت علي السرير وفوقها البطانيه  
ومش حاسه بدفا فضلت كده حوالي ساعتين من غير ما تهدي  
و صوت الشئ ده و هو بينادي إسمها لسه في ودانها حطت  
إيديها فوق ودانها عاوزه تقفلهم عشان متسمعش لكن مفيش  
فايدة الصوت جواهم , وفجأه حد شد الغطا بقوه فصرخت  
صرخه مكتومه من رعبها صوتها مبقاش طالع , فلقبت  
زميلتها في السكن شاديه خايفه عليها وبتقولها في ايه مالك ايه  
الرعب ده كله يابنتي خدي نفسك بالراحه , ايه حصلك

إحكي لي, وبعدها شهقت وقالت ياااه ايه الدم اللي في رجلك دة ايه حصل , وقامت جابت عدة الإسعافات و كويابة ميه وخليتها تشرب وسمعت منها الحكايه من البداية وهي بتعالج جرح رجليها اللي اتعورته لما خبطت في السلالم المكسورة , قالتها هديل وهي بردوا مش عارفه تهدي من الرعب انا انا انا امب امبارح كنت راجعه من المستشفى زي كل يوم , وأول ما وصلت أول الشارع حسيت بسقعه جامده وهو جامد زياده عن الوضع الطبيعي قلت عادي يمكن الجو سقع زياده , لكن فجأه حسيت بعيون ورايا بتراقبني انا من فتره بحس في عيون بتراقبني في الحته دي لكن امبارح احساسني كان أقوي , وحاسه كاني شايفه خيال إسود ورايه زودت خطوتي بسرعه سمعت صوت خطوات ورايه بردوا مشيت بسرعه أكبر لحد ما وصلت العمارة وجريت علي السلم لحد ما وصلت فوق لكن إنهارده الوضع كان أسوأ , سكتت شاديه وتحت جامد فتره وهديل بنترجاها تتكلم شافت ف عيونها كلام كتير فقالت شادية:" هو اختارك إنتي السنة دي الله يكون في عونك الدور عليكي ."